

समे – 12:25

<><><><><><>

PM>Returns

प्रधानमंत्री नरेन्द्र मोदी होर 5एं मुखें, घाना, त्रिनिदाद—टैबैगो, अर्जेन्टीना, ब्राजील ते नामिबिया दी अपनी यात्रा दे बाद अज्ज बडलै मुख्य वापस पुज्जी गे न। प्रधानमंत्री होर अपने दौरे दरान भारत दे सरबंधें गी होर निगगर करने लेई इनें देशें दे राष्ट्र अध्यक्ष कन्नै गल्लबात कीती। मोदी होरें रियो डे जेनेरियो च ब्रिक्स शिखर सम्मेलन च बी हिस्सा लैता। इनें यात्राएं दा उद्देश्य ग्लोबल साउथ दे देशें कन्नै भारत दे सरबंधें गी मजबूत करना ते ब्रिक्स, अफ्रीकी संघ, इकोवास ते कैरीकाम जनेह बहुपक्षी मंचें पर सरबंधें गी मजबूती देना हा।

<><><><><><>

CM-Kolkata Visit

मुख्यमंत्री उमर अब्दुल्ला होर, मेद ऐ जे अज्ज पच्छिम बंगाल दी मुख्यमंत्री ममता बेनर्जी हुंदे नै मलाटी लांगन। उमर अब्दुल्ला होर इक सैलसफा मेले च शिरकत करने लेई पच्छिम बंगाल दे दौरे पर न। इस सभ्याचार बैठक च दवै नेता मेद ऐ जे संसद दे आँदे बरसांती आले इजलास लेई विपक्ष दी रणनीति दे बारे च सलाह सूत्र करी सकदे न। इस बारे 22 अप्रैल गी पहलगाम च होए दे आतंकी हमले जेहदे च 26 लोक मारे गे हे, उस वारदात दे बाद दौनें मुख्यमंत्रिण बश्कार एह पैहली पैहली मलाटी होग। कल कोलकाता पुज्जने पर जिसलै मीडिया आलें उमर होरें गी जम्मू कश्मीर दे मजबूत सुरक्षा हालातें दे बारे च पुच्छेआ तां उंदा आखना हा जे जम्मू कश्मीर च हालात तेजियां कन्नै सामान्य होंदे जा'रदे न ते हाल दे दिने च जम्मू कश्मीर औने आले सेलानिएं दी गिनतरी च बड़ा मता बाद्धा दिखने गी लब्धा'रदा ऐ।

<><><><><><>

Guru Purnima

अज्ज गुरु पुन्नेआ मुख्य भरै च मनाई जा'रदी ऐ। इस ध्याड़े दा मकसद अपने गुरुएं ते अध्यापकें प्रति आदर ते सम्मान प्रगट करना ऐ जेहड़े साढ़े जीवन गी शिक्षा ते ज्ञान दी लोह कन्नै रोशन करदे न। हिंदू, जैन ते बौद्ध धर्म च इस ध्याड़े दा विशेष महत्व ऐ ते इस इस रोज लोकें अपने धर्म—गुरुएं दे बी मत्था टेकने ते उंदा शीरवाद हासल करने लेई जंदे न। इस मौके गुरुएं गी फुल्लें दे हार पोआइयै ते उंदे पर फुल्लें दी बरखा करियै उंदी आरती तोआरी जंदी ऐ। प्रधानमंत्री नरेन्द्र मोदी होरें इस मौके पर देशवासिएं गी शुभकामनां दित्तियां न। जम्मू कश्मीर दे उपराज्यपाल मनोज सिन्हा ते मुख्यमंत्री उमर अब्दुल्ला होरें बी गुरु पुन्नेआ दे मौके पर सब्बनें गी शुभकामनां दित्तियां न।

<><><><><><>

Agri Min-Irrigation

राई—बाई दी पैदावार सरबंधी मंत्री जावेद अहमद डार होरें सिविल सचिवालय श्रीनगर च इक बैठक लाइयै सिंचाई सुविधाएं दा जायजा लैता ते उनें इलाकें दी ताल करने लेई आखेआ जेहड़े सिंचाई लेई मुख्य तौर पर बरखा पर निर्भर न। बैठक दरान प्रदेश च सिंचाई दी मजूदा स्थिति दा जायजा लैता गेआ। उनें सिंचाई सरबंधी ढांचे गी होर बेहतर करने लेई रणनीतिएं गी तलाशने ते करसान समुदाय दी भलाई बेह्तरी लेई पानी प्रबंधन सरबंधी तौर तरीके पर जोर पाया। मंत्री होरें आधुनिक सिंचाई तकनीकें पानी गी किट्ठा करियै रखने ते पानी दे संरक्षण लेइ लोड़चदी

कारवाई करने लेई मुत्तलका अफसरें गी हिदायत दिक्ती। डार होरें राई-बाई आले क्षेत्र गी बढ़ावा देने ते बरखा पर सिंचाई लेई निर्भर इलाकें च सहूलतां उपलब्ध करोआने प्रति सरकार दी वचनबद्धता फही दोहराई।

<><><><><><>

Amarnath Yatra

जम्मू दे भगवती नगर आले आधार शिविर थमां 7 ज्हार 307 श्रद्धालुएं दा इक होर जत्था श्री अमरनाथ यात्रा लेई घाटी आस्तै रवाना होइआ। एह श्रद्धालु 284 गड्डिडएं दे काफले च सोआर होई यात्रा लेई रवाना होए। इंदे च 5 ज्हार 534 मर्द, इक ज्हार 586 महिला, 25 बच्चे, 138 साधु ते 24 साध्वियां शामिल न। अज्ज रवाना होए दे जत्थे च 3 ज्हार 81 श्रद्धालु बालटाल ते 4 ज्हार 226 श्रद्धालु पहलगाम लेई रवाना होए न।

<><><><><><>

CS-Base Camp Visit

मुख्य सचिव अटल डुल्लू होरें चला'रदी श्री अमरनाथ जी दी यात्रा दे सिलसिले च नुनवान ते चंदनवाड़ी आधार शिविर च श्रद्धालुएं लेई कीते गेदे इंतजामें दा जायजा लैता। उनें सिविल प्रशासन, पुलिस, सुरक्षाबलें, श्री अमरनाथ श्राईन बोर्ड दे बड्डे अधिकारिएं कन्नै बैठक लाई ते इंतजामें दा जायजा लैता। उनें नियम कायदे दी अमलावरी, कर्मिएं दी तैनाती, निगरान सरिस्ते ते तकनालोजी अधारित प्रणाली ते सीसीटीवी निगरानी पर जोर पाया। उनें नुनवान आधार शिविर दा दौरा लाया ते सरबंधी धड्डे कन्नै गल्ल कीती। मगरा उनें चंदनवाड़ी आधार शिविर दा बी दौरा लाया ते मैडिकल सहूलतें दा जायजा लैता।

<><><><><><>

Women Frendily Panchayats

जम्मू कश्मीर पंचैती राज दे निदेशक शाम लाल होरें महिलाएं शमूलियत कन्नै शासन दे सरकार दे धेइयै गी पक्का करदे होई महिला-हितैषी ते महिलाएं दी अगुवाई च आदर्श ग्राम पंचैत विकसित करने पर जोर दिक्ता। नमें सिरैया तैआर कीते गेदे राष्ट्रीय ग्राम स्वराज अभियान तैहत प्रमुख तत्वे दी प्रगति दा जायजा लैने लेई सददी गेदी जायजा बैठक दी अध्यक्षता करदे होई उनें एह गल्ल आक्खी। बैठका च पंचैत दे सहायक आयुक्त बी मजूद हे। बैठक च जानकारी दिक्ती गई जे केन्द्र शासत प्रदेश दे दौनें प्रांतै जम्मू ते कश्मीर च 20 एसियां पंचैत दी शनाख्त कीती गेदी ऐ, जिनेंगी लिंग समानता दे नमूने दे तौरा पर विकसित कीता जाग। इंदे चा 10 जम्मू प्रांत ते 10 गै कश्मीर घाटी च होंगन। इनें पंचैतें च महिला सुरक्षा, महिलाएं दी शमूलियत ते उंदे लेई नुज्ज गी जकीनी बनाया जाग। जायजा बैठक पंचैत घरें दे निर्माण, पंचैत सिखलाई केन्द्रें गी नामजद करने ते मेरी पंचैत ऐप राएं पंचैत घरें गी जियो टेगिंग दे बारे च बी तफसीली चर्ख कीती गई।

<><><><><><>

Read by	Jagmohan Sharma
Composed	Mukesh Gupta
Editor	Kunal Shrivatsa
Skilled	Rajat